

ԿԱՐԼ ՄԱՐԻՍԻ ԱՆՎԱՆ ԵՐԵՂԱՆԻ ՊՈԼԻՏԵԽՆԻԿԱԿԱՆ ԻՆՍՏԻՏՈՒՏԸ

Երևանի Կարլ Մարքսի անվան Պոլիտեխնիկական ինստիտուտը Պետական համալսարանից հետո երկրորդ խոշոր բարձրագույն ուսումնական հաստատությունն է մեր ռեսպուբլիկայում: Նա ստեղծվել է Երևանի Պետական համալսարանի տեխնիկական ֆակուլտետի բազայի վրա, 1930 թվականին: Ինստիտուտի հիմնադրման գործում մեծ վաստակ ունեն Հայկական ՍՍՌ Գիտությունների ակադեմիայի ակադեմիկոս Ալեքսանդր Հակոբյանը, ականավոր գիտնականներ Ստեփան Ղաարարյանը, Հովհաննես Ռուխիկյանը, Արշակ Տոնյանը, որոնք երկար տարիներ աշխատել են ինստիտուտում և բացառիկ հոգատարությամբ պատրաստել ձեռնհաս կադրեր: Այդ կադրերից շատերը այժմ դարձել են ճանաչված գիտնականներ ու մանկավարժներ և աշխատում են ինստիտուտում: Սկզբնապես ինստիտուտում սովորել են 465 ուսանող: Գործունեության վաղ շրջանում ինստիտուտն ունեցել է 60 դասախոս, որոնք սովորող երիտասարդներից պատրաստել են ճարտարապետներ, քաղաքացիական, արդյունաբերական և հիդրոտեխնիկական շինարարության ինժեներներ, քիմիկոս-տեխնոլոգներ:

Անցած երեսուն տարիների ընթացքում ինստիտուտը տվել է տարբեր մասնագիտություններով շուրջ 6000 ինժեներներ, որոնք աշխատում են ռեսպուբլիկայի արդյունաբերության և շինարարության բնագավառում, նախագծային, գիտա-հետազոտական ինստիտուտներում, պետական ապարատում, ժողովրդական տնտեսության ղեկավար օրգաններում: Զգալի է ինստիտուտն ավարտած այն մասնագետների թիվը, որոնք աշխատում են ռեսպուբլիկայից դուրս՝ Սովետական Միության տարբեր շրջաններում: Այժմ ինստիտուտում սովորում են մոտ 3000 ուսանողներ, որոնք ընդգրկված են հինգ ֆակուլտետներում, ուր աշխատում են 250 դասախոս: Դասախոսների մեծ մասը դոկտոր-պրոֆեսորներ ու տեխնիկական գիտությունների թեկնածուներ են: Բացի այդ ինստիտուտն ունի ուսումնա-օժանդակ 300 աշխատակից:

Ինստիտուտի շինարարական ֆակուլտետը մասնագետներ է պատրաստում ռեսպուբլիկա-

յում լայնորեն ծավալվող շինարարության համար: Ֆակուլտետը պատրաստում է բարձրորակ ինժեներ-շինարարներ, որոնք աշխատում են նախագծային ինստիտուտներում, շինարարական հրապարակներում, հիդրոէլեկտրակայանների ու հիդրոտեխնիկական կառուցվածքների, կամուրջների ու ճանապարհների շինարարության բնագավառում: Շինարարության ֆակուլտետի ճարտարապետության բաժինը ավարտած բազմաթիվ մասնագետներ նախագծել ու պլանավորել են հայրենի քաղաքներն ու գյուղերը, կառուցել են էսթետիկական բարձր ճաշակով հարմարավետ բնակելի տներ, արդյունաբերական ձեռնարկություններ, կուլտուրայի և գիտության օջախներ: Այդ կառուցումների մեջ հայ ճարտարապետության դարավոր ժառանգությունը զուգորդված է շինարարական տեխնիկայի արդի նվաճումների հետ:

Ժողովրդական տնտեսության և կենցաղի մեջ կատարված տեղաշարժերի կապակցությամբ շինարարական ֆակուլտետում հիմնվել են մասնագիտական նոր բաժիններ, որոնք պատրաստում են ջերմա-գազամատակարարման և ջրամուղ-կոյուղու շինարարության ինժեներներ: 1960 թվականի փետրվարին Երևանը եղբայրական Ադրբեջանից գազ ստացավ: Գազը կօգտագործվի արդյունաբերության մեջ, իսկ Երևանի և ռեսպուբլիկայի մյուս քաղաքների բնակիչները կօգտվեն բնական և հեղուկ գազից: Կենցաղում լայն կիրառում կգտնի արդյունաբերությունից և ջերմաէլեկտրակայաններից ստացված տաք ջրի օգտագործումը: Նկատի ունենալով ժողովրդական տնտեսության մեջ և կենցաղում կատարված տեղաշարժն ու նրա հեռանկարները, ֆակուլտետը ընդլայնել է իր նոր հիմնած բաժինները՝ օգտագործելով Ռուսաստանի և Ադրբեջանի փորձը:

Անցած տարիներին Հայաստանում ստեղծվեցին քիմիական արդյունաբերության բազմաթիվ ձյուղեր, որոնք 1959—1965 թվականներին կաճեն ավելի քան 3 անգամ: Այդ նպատակի համար որպես հումք լայնորեն կօգտագործվեն բնական գազը, Հայաստանի լեռնաշխարհի բազմաթիվ բնական հարստությունները:

Քիմիական արդյունաբերության համար ինժե-
ներ-տեխնոլոգներ են պատրաստում ինստիտու-
տի Բիմիկո-տեխնոլոգիական ֆակուլտետի հիմ-
նական օրգանական սինթեզի և էլեկտրաքիմիա-
կան արտադրության տեխնոլոգիայի բաժինները,
Միլիկատների տեխնոլոգիայի բաժինը, ինժեներ-

ները որպես ինժեներ կոնստրուկտորներ աշխա-
տում են էլեկտրամեքենաշինական արդյունա-
բերության մեջ՝ հին մեքենաները վերափոխելու
և նոր ժամանակակից մեքենաներ ստեղծելու
վրա: Վերջին երեք տարիների ընթացքում ֆա-
կուլտետում բացվել են մասնագիտական նոր



Ինստիտուտի նորակառույց ուսումնական շենքը

ներ է պատրաստում շինանյութերի արդյունաբե-
թյան, ինչպես նաև կերամիկայի արտադրության
ու էլեկտրալամպերի արտադրության մեջ՝ աշ-
խատելու համար: «Օգտակար հանածոների տե-
ղավայրերի մշակում» մասնագիտության գծով
ավարտած ինժեներները աշխատում են լեռնա-
հանրային արդյունաբերության մեջ:

Համեմատաբար ավելի կարճ պատմություն
ունեն ինստիտուտի էլեկտրատեխնիկական և մե-
խանիկական ֆակուլտետները, որոնք կազմի
են պատրաստում հարաճուն կերպով զարգա-
ցող արդյունաբերության նոր ճյուղերի՝ էլեկ-
տրամեքենաշինության, դազգահաշինության,
սարքաշինության և արդյունաբերության այլ
ճյուղերի համար:

Էլեկտրատեխնիկական ֆակուլտետի ավելի
հին մասնագիտական բաժիններն են էլեկտրա-
կան կայանների, ցանցերի ու սիստեմների,
աբդյունաբերական ձևաբերությունների էլեկ-
տրիֆիկացիայի, սարքավորման և կարելային ու
էլեկտրամեկուսիչ տեխնիկայի բաժինները: Այդ
մասնագիտություններով ինժեներ-էլեկտրիկներն
աշխատում են հիդրոէլեկտրակայաններում,
էլեկտրահզորության գծերում ու սիստեմնե-
րում, արդյունաբերական ձևաբերություններում
և շինարարության մեջ: Ֆակուլտետի էլեկտրա-
կան մեքենաների և ապարատների նախագծման
բաժինն ավարտած ինժեներ-էլեկտրամեխանիկ-

բաժիններ, որոնց դասընթացներն ավարտող
ուսանողները կաշխատեն այժմ ռեսպուբլիկայում
ստեղծվող արդյունաբերական նոր ճյուղերում,
գիտա-հետազոտական ինստիտուտներում և
կոնստրուկտորական բյուրոներում:

Ինստիտուտի մեխանիկական ֆակուլտետը
այս տարի տվեց իր շրջանավարտների 10-րդ
մեծ խումբը: Ֆակուլտետի մեքենաշինության
տեխնոլոգիայի մասնագիտական բաժնի շրջա-
նավարտները աշխատում են ռեսպուբլիկայի
արդյունաբերության մեջ որպես ինժեներ-կոնս-
տրուկտորներ, մետալուրգներ, տեխնոլոգներ:
Այս ֆակուլտետում վերջին երկու տարվա ըն-
թացքում ժողովրդական տնտեսության պահանջ-
ներից ելնելով կազմակերպվել են մասնագի-
տական նոր բաժիններ, որոնց շրջանավարտ-
ներն աշխատելու են ճշգրիտ մեխանիկայի սար-
քերի, շինարարական և ճանապարհային մե-
քենաների, քիմիական արդյունաբերական մե-
քենաների, ձուլման արտադրության մեքենա-
ների և տեխնոլոգիայի, սև և գունավոր մետաղ-
ների ձուլման արտադրության մեջ:

Երևանի Պոլիտեխնիկական ինստիտուտը
1953 թվականին կազմակերպել է Լեռնոյան և
Ունակա ուսուցման ֆակուլտետ, ուր ընդգրկվում
են արտադրության մեջ աշխատող երիտասարդ-
ները: Այդ երիտասարդները արտադրության
մեջ գալով միջնակարգ դպրոցներից և միջնա-

ևարդ մասնագիտական ուսումնական հաստատություններից, այստեղ հարստացնում են իրենց գիտելիքները, զուգորդում արտադրության և շինարարության մեջ կուտակած իրենց աշխատանքային փորձը ֆակուլտետում ձեռք բերած տեսական գիտելիքների հետ: Այժմ այդ ֆակուլտետում սովորում է մոտ 800 ուսանող և արդեն երկրորդ տարին է, ինչ նա տալիս է իր շրջանավարտները:

Կյանքի հետ դպրոցի կապի ամրապնդման և երկրում ժողովրդական կրթության դործի հետագա բարելավման մասին ՍՍՌ Միության Դերագույն Սովետի և Հայկական ՍՍՌ Գերագույն Սովետի ընդունած օրենքի համաձայն 1959—60 ուսումնական տարվա սկզբից ինստիտուտի սարքեր ֆակուլտետների առաջին կուրսերն ընդունված բոլոր ուսանողները աշխատում են արդյունաբերության և շինարարության մեջ: Ուղենիշ ունենալով միութենական և ռեսպուբլիկական կառավարությունների որոշումները, ինստիտուտի դիրեկցիան և դասախոսական կազմը վերակառուցեցին ուսումնա-մեթոդական աշխատանքը՝ հատուկ ուշադրություն դարձնելով արտադրության մեջ աշխատող ուսանողների ուսման պրոցեսի կազմակերպման հարցերին: Կազմակերպվեցին լրացուցիչ կոնսուլտացիաներ, հրատարակվեցին մեթոդական ձեռնարկներ և առաջադրանքներ առաջին կուրսեցիների համար: Վ. Ի. Լենինի անվան հայկական գործարանում, անխնայական ֆակուլտետի ուսանողները, որոնք այնտեղ ձեռք են բերում աշխատանքային մասնագիտացում: Աշխատանքային ուսուցումը լավ է կազմակերպված նաև Չերժինսկու անվան դազգահաշինական գործարանում, ավտոպահաստամասերի գործարանում, շինարարության մեջ: Անցած ուսումնական տարին ցույց տվեց, որ ուսանողները արագ կերպով խորանում են արտադրական պրոցեսների էության մեջ, ուսումնասիրում են տեխնիկական գրականությունը, հանդես են գալիս ռացիոնալիզատորական առաջարկություններով և դիտողություններով: Արտադրական ուսուցման բարելավման ուղղությամբ զգալի փոփոխություններ են կատարվել նաև բարձր կուրսերի ուսումնական ծրագրերում: Ուսանողների արտադրական և նախադիպլոմային պրակտիկաներն անցնում են ռեսպուբլիկայի առաջավոր ձեռնարկություններում և շինարարական հրապարակներում, ինչպես նաև միության խոշոր արդյունաբերական կենտրոններում՝ Մոսկվայում, Լենինգրադում, Կիևում, Մինսկում, Բաքվում, Կրամատորսկում և այլն: Այս տարի մեծ թվով գիպլոմային աշխատանքներ գործնական, ար-

տադրության հետ կապված բնույթի ինչ, էլեկտրատեխնիկական և մեխանիկական ֆակուլտետների մի խումբ ուսանողներ իրենց դիպլոմային աշխատանքները կատարեցին Վ. Ի. Լենինի անվան էլեկտրամեքենաշինական գործարանում: Նրանց զգալի մասը այդ աշխատանքները պաշտպանեցին գերազանց գնահատականներով և այժմ աշխատում են արտադրության մեջ ներդնել այն, ինչ մտահղացել էին իրենց դիպլոմային նախագծերում:

Ինչպես ցույց տվեց պրակտիկան, այս վերափոխումները զգալի չափով նպաստում են պատրաստվող մասնագետների որակի հետագա բարձրացման գործին: Ուսանողների զգալի մասը հաղթահարելով ուսումը աշխատանքի հետ կապելու որոշ դժվարություններ, հասավ լավ ցուցանիշների թե՛ ուսման մեջ և թե՛ աշխատանքում:

Անցած ուսումնական տարին Երևանի Պոլիտեխնիկական ինստիտուտի կյանքում բերեց այլ փոփոխություններ ևս: 1959 թ. սեպտեմբերից Հայաստանի կառավարության որոշմամբ մի շարք մասնագիտությունների գծով ինստիտուտի ցերեկային և երեկոյան ուսուցման բաժանմունքներ բացվեցին ռեսպուբլիկայի երկու քաղաքներում՝ Լենինականում և Կիրովականում: Եւ լայն հնարավորություններ կստեղծի ռեսպուբլիկայի հեռավոր շրջանների երիտասարդությունից մեծ թվով մասնագետներ պատրաստելու համար: Այժմ այդ բաժանմունքներում կազմակերպվում են կարիներտներ և լաբորատորիաներ, ստեղծվում են բոլոր անհրաժեշտ պայմանները բարձրորակ ինժեներական կադրեր պատրաստելու համար: Այս տարի սեպտեմբերի 1-ից բաժանմունք բացվեց նաև Երևանի Վ. Ի. Լենինի անվան հայկական գործարանում:

Ինստիտուտի մանկավարժական կոլեկտիվը և ուսանողությունը ջերմությամբ ընդունեցին այն լուրը, որ իրենց մոտ սովորելու են գալիս սիլյուռահայ երիտասարդության ներկայացուցիչները: Արդեն երրորդ տարին է, ինչ Երևանի Պոլիտեխնիկական ինստիտուտում սովորում են Միացյալ Արաբական Ռեսպուբլիկայի Սիրիական շրջանից, Իրաքից և Լիբանանից եկած երիտասարդները: Ի դեպ, հիշենք, որ այս ուսանողները մեզ մոտ ոչ միայն ազատված են ուսման վարձ վճարելու հոգսից, մի հանգամանք, որ նրանց առաջ մեծ դժվարություններ էր հարուցում արտասահմանում (Մարդիրյան Վարուժանը, օրինակ, Բեյրութի ամերիկյան համալսարանում մեկ տարի ուսանելու համար ստիպված էր եղել վճարել 1200 դոլլար՝ որպես ուսման վարձ), այլև ստանում են բարձր թոշակ, լրա-

ցուցիչ նպաստ ամառվա ամիսների համար, ապահովված են հանրակացարանով:

Սովետական պետությունը զգալի միջոցներ է տրամադրում Պոլիտեխնիկական ինստիտուտի նյութատեխնիկական բազան հարստացնելու համար: Այդ ուղղությամբ մեծ գործ կատարվեց հատկապես Հայրենական Մեծ պատերազմից հետո: 1955 թվականին շահագործման հանձնվեց ինստիտուտի նոր ուսումնական կորպուսի առաջին մասը մոտ Ծ-տասնյակ լսարաններով, կարինետներով, լաբորատորիաներով և ընդարձակ ընթերցասրահով, իսկ 1959 թ. նոյեմբերին երկրորդ մասը՝ համարյա նույնպիսի մակերեսով: 1960—1961 ուս. տարվա ընթացքում շահագործման կհանձնվեն դահլիճ-գրադարանային կորպուսը և գիտա-հետազոտական աշխատանքների կորպուսը: 1961 թ. սկզբից կսկսվի ինստիտուտի ուսումնա-արտադրական խոշոր արհեստանոցի և ուսումնական մի նոր շենքի շինարարությունը: Մոտակա տարիներին կկառուցվեն նաև ուսումնական այլ շենքեր: Բարելավվում են նաև դասախոսների և ուսանողության կենցաղային պայմանները: 1956 թ. շահագործման հանձնվեց 200 տեղանոց ուսանողական նոր հարմարավետ հանրակացարանը, իսկ 1959 թ. նոյեմբերին սկսեց գործել ուսանողական բնդարձակ ճաշարանը: 1961 թվականից կսկսվի 500 տեղանոց ուսանողական հանրակացարանի նոր շենքի կառուցումը: Մեծ աշխատանք է կատարվել նաև պրոֆեսորա-դասախոսական կազմի կենցաղային պայմանների բարելավման ուղղությամբ: 1953, 1957 և 1960 թվականներին շահագործման հանձնվեցին երեք բնակելի շենքեր՝ մոտ 80 բնակարաններով:

Զգալի միջոցներ են ծախսվել նոր ուսումնական լաբորատորիաներ կազմակերպելու համար: Միայն վերջին երեք տարիների ընթացքում ստեղծվել են ջերմագազամատակարարման, հաստոցների, ավտոմատիկայի և հեռուստամեխանիկայի, մաթեմատիկական հաշվիչ միջոցների, հիմնական օրգանական սինթեզի, սիլիկատների տեխնոլոգիայի և մի քանի այլ նոր լաբորատորիաներ, նորագույն սարքավորումներով հարստացվել են մյուսները:

Այս ամենը, ինչ խոսք, հնարավորություն կտա էլ ավելի լավ կազմակերպել ամբողջ ուսումնական պրոցեսը, ուսանողների ինքնուրույն աշխատանքն ու կուլտուրական հանգիստը:

Մեծ են Նրևանի Պոլիտեխնիկական ինստիտուտի հեռանկարները: Հայաստանի կառավարությունը հատկապես զբաղվել է Նրևանի Պոլիտեխնիկական ինստիտուտում ինժեներական կադրերի պատրաստումը բարելավելու հարցերով և այդ մասին ընդունել համապատասխան որոշում: Խնդիր է դրվում զգալիորեն ավելաց-

նել ինժեներների պատրաստումը նորագույն մասնագիտությունների գծով: Նկող տարի ինստիտուտում կրացվի լեռնա-մետալուրգիական ֆակուլտետը իր մի շարք բաժիններով: Թե ինչպիսի տեմպերով է աճում Պոլիտեխնիկական ինստիտուտը, ցույց է տալիս թեկուզ այն փաստը, որ եթե 1959/1960 ուսումնական տարում բոլոր մասնագիտությունների գծով ընդունելությունը կազմում էր 650 հոգի, ապա այս տարի ինստիտուտ ընդունվեցին 1400 հոգի, այսինքն ավելի շատ, քան 1950 թվականին ինստիտուտում եղած բոլոր ուսանողների թիվն էր: Եւ հասկանալիորեն բացատրվում է արդյունաբերության և շինարարության համար բարձրորակ կադրերի օրավուր աճող պահանջով:

Ինստիտուտի առաջ դրված են լուրջ խնդիրներ, որոնց լուծումը կարող է իրականացնել ինստիտուտի դասախոսական հեղինակավոր կոլեկտիվը, որի շարքերում աշխատում են Հայկ. ՍՍՌ Գիտությունների ակադեմիայի իսկական անդամ, պրոֆեսոր Մարտին Կսույանը, թղթակից-անդամ պրոֆեսոր Օգսեն Սապոնջյանը, գիտության ու տեխնիկայի վաստակավոր գործիչներ՝ պրոֆեսոր Լևոն Մանուչարյանը, պրոֆ. Գուրգեն Օգանեսովը և դոցենտ Ռուբեն Հակոբյանը, Հայկ. ՍՍՌ վաստակավոր շինարար, պրոֆեսոր Սիմոն Հովնանյանը, պրոֆեսորներ Լևոն Ղազարյանը, Թորգոմ Խաչատրյանը, Երեմ Սաֆարովը, Վելիխան Վալեսյանը, Լեզատ Ալչույանը և ուրիշներ:

Կադրերի պատրաստման ուղղությամբ շնորհակալ աշխատանք են կատարում ամբիոնի վարիչներ, դոցենտներ՝ Վրույր Թորգոմյանը, Ավետիք Տեր-Խորաշելյանը, Վարազդատ Հարությունյանը, Վաղարշակ Հովսեփյանը, Գեորգի Մենյանը, Ռուբեն Ախշարումովը, Վիկտոր Պետրոսյանը և ուրիշներ:

Վերջին տարիների ընթացքում աճել են գիտա-մանկավարժական նոր կադրեր, հատկապես նորագույն մասնագիտությունների գծով: Ինժեներական կադրերի պատրաստման գործում պրոֆեսորների և դոցենտների հետ միասին մեծ ու շնորհակալ աշխատանք են կատարում ինստիտուտի ուսումնա-օժանդակ աշխատողները:

Բարձրորակ ինժեներական կադրերի պատրաստման հետ միասին ինստիտուտի գիտական կոլեկտիվը, որն ընդգրկված է 33 ամբիոններում, անցած տարիների ընթացքում զգալի գործ է կատարել գիտա-հետազոտական աշխատանքների, ռեսպուբլիկայի արդյունաբերությանն ու շինարարությանը կոնկրետ գործնական օգնություն ցույց տալու ուղղությամբ: Հայաստանի արդյունաբերության մի շարք ճյուղերին, շինարարական ինդուստրիային, հիդրոէներգետիկ աշխատանքներին և այլ բնագավառներին վերա-

թերող բազմաթիվ հարցեր մշակվել և ներդրվել են ինստիտուտի կոլեկտիվի կողմից: Ավագ և միջին սերնդի գիտնականների կողքին աճում է գիտական աշխատողների երիտասարդ սերունդը հատկապես էլեկտրատեխնիկական և մեխանիկական ֆակուլտետներում, որոնք այժմ մեծ գործ են կատարում ռեսպուբլիկայի արդյունաբերության նոր ճյուղերի զարգացման գործում:

Շինարարական ֆակուլտետն ունի 8 ամբիոն, որտեղ ընդգրկված են մանկավարժական և արտադրական հարուստ փորձ և գիտելիքներ ունեցող դասախոսներ: Այդ ֆակուլտետի ճարտարապետության ամբիոնը ղեկավարում է դոցենտ Վարազդատ Հարությունյանը: Նրա գրչին են պատկանում ճարտարապետության պատմության հարցերի լուսարանմանը նվիրված բազմաթիվ աշխատություններ, նա միաժամանակ ռեսպուբլիկայի ճարտարապետների միության նախագահի տեղակալն է: Ամբիոնի դոցենտ Արտաշես Մամիջանյանը կարևոր աշխատանքներ է տանում տուֆ քարից բարակ պատերի նոր կոնստրուկցիաներ մշակելու ուղղությամբ: Դոցենտ Հրայր Բսաբեկյանը քաղաքաշինարարության լավագույն մասնագետներից է: Նախագծային ինստիտուտներում իր տարած աշխատանքին զուգընթաց երկար տարիներ ինստիտուտում է աշխատել նաև ՍՍՄՄ Շինարարության և ճարտարապետության ակադեմիայի թղթակից անդամ, պրոֆեսոր Սամվել Սաֆարյանը:

Ֆակուլտետի արդյունաբերական և քաղաքացիական շինարարության մասնագիտության գծով ինժեներ-շինարարների պատրաստման գործում որոշող դեր են խաղում շինարարական կոնստրուկցիաների (վարիչ դոցենտ Ավետիք Տեր-Իսրայելյան) և շինարարական արտադրության (վարիչ դոցենտ Ստեփան Սարուխանյան) ամբիոնները: Ավտոմոբիլային ճանապարհների և կամուրջների շինարարության ամբիոնը ղեկավարում է նույն մասնագիտությամբ ինժեներների պատրաստման գործը: Ամբիոնը ղեկավարում է Հայկ. ՍՍՄՄ վաստակավոր շինարար, պրոֆեսոր Սիմոն Հովնանյանը: Նա երկար տարիներ ղրադվում է իր սիրելի մասնագիտությամբ և բարձրորակ շինարար մասնագետի անուն է վաստակել ռեսպուբլիկայում: Նա է եղել Երևանի երկու նոր մեծ կամուրջների շինարարության գլխավոր ինժեները: 1958 թ. Ս. Հովնանյանը մասնակցեց շինարարների համամիութենական խորհրդակցությանը և նույն թվականին էլ իր երկարատև ամրասիր աշխատանքի համար ՍՍՄՄ Գերագույն Սովետի Նախագահության հրամանագրով պարգևատրվեց Աշխատանքային Կարմիր Դրոշի շքանշանով: Այժմ էլ պրոֆեսոր Հովնանյանը չի կտրվում

շինարարական պրակտիկայից: Շինարարական աշխատանքի հարուստ փորձով նույն ամբիոնում աշխատում են դոցենտներ Արշավիր Ազատյանն ու Գևորգ Հակոբյանը:

Հիդրոտեխնիկական շինարարության համար կադրերի պատրաստման ուղղությամբ է աշխատում հիդրոտեխնիկական շինարարության ամբիոնը՝ դոցենտ Գ. Արարկցյանի ղեկավարությամբ, ինչպես և հիդրավլիկայի և ջրամատակարարման ամբիոնը: Ամբիոնի անդամները դոցենտ Վաղարշակ Հովսեփյանի ղեկավարությամբ երկար տարիներ շնորհակալ աշխատանք են կատարում ռեսպուբլիկայի լեռնային շրջաններում ոռոգման նպատակներով հիդրոտարաններ օգտագործելու ուղղությամբ: Հաստատնի կառավարությունը ամբիոնի կատարած ուսումնասիրությունների հիման վրա 1955 թ. մայիսին հատուկ որոշում ընդունեց հիդրոտարանները գյուղատնտեսության մեջ ներդնելու մասին: Այժմ ամբիոնի մշակած կատարելագործված հիդրոտարանները հաջողությամբ աշխատում են ռեսպուբլիկայի մի քանի տասնյակ կոլտնտեսություններում: Այդ տարանի նմուշը ցուցադրվեց Մոսկվայում, ժողովրդական սնտեսության նվաճումների ցուցահանդեսում: Դոցենտ Հովսեփյանը և ամբիոնի ասիստենտ Աշոտ Իսկանդարյանը պարգևատրվեցին դիպլոմով, ցուցահանդեսի երկրորդ աստիճանի կրծքանշանով և արժեքավոր նվերով:

Դեռևս Պետական համալսարանի տեխնիկական ֆակուլտետում, ապա՝ Պոլիտեխնիկական ինստիտուտում սկսած վերջինիս հիմնադրման օրից, կառուցվածքների ստատիկայի ամբիոնի աշխատանքներն է գլխավորում Հայկական ռեսպուբլիկայի գիտության ու տեխնիկայի վաստակավոր գործիչ, տեխնիկական գիտությունների դոկտոր, պրոֆեսոր Բուրգեն Օգանեսովը: Նա մեծ աշխատանք է կատարել ռեսպուբլիկայի ջրային տնտեսության կարգավորման գործում: Նա տարիներ շարունակ աշխատել է Հայջրէինտրեստում որպես գլխավոր ինժեներ, ուսումնասիրություններ է կատարել Արարատյան դաշտավայրի ստորերկրյա ջրերի հետազոտման և դրանք ոռոգման կարիքների համար օգտագործելու բնագավառում: Այդ ուսումնասիրությունները ամփոփված են շորս սովարածավալ գրքերում: Նույն ամբիոնի դոցենտ Թորգոմ Առաքելյանը ստեղծել է քառակուսի բնախին ցանրի աւնիվերսալ-ավտոմատ սարք: Այդ մեքենայի փորձնական օրինակը շուտով կպատրաստվի և համամիութենական փորձարկման կենթարկվի, որով կորոշվի նրա մասսայական օգտագործման հարցը:

Ֆակուլտետի համեմատաբար երիտասարդ ամբիոններից է ջերմագազամատակարարման և

օդափոխության ամբիոնը, որը դոցենտ Լիպարիտ Ղուլոյանի ղեկավարությամբ շնորհակալ աշխատանք է կատարում ռեսպուբլիկայի համար այդ մասնագիտության գծով ինժեներներ պատրաստելու ուղղությամբ, որ առանձնապես կարևոր է ներկայումս: Պետք է ասել, որ այս մասնագիտությամբ փորձված մասնագետները շատ քիչ են, և ամբիոնը ստիպված է լինում հաղթահարել մեծ դժվարություններ: Ամբիոնը միաժամանակ մեծ աշխատանք է կատարում գազամուղի անցկացման, ջերմաէներգետիկային վերաբերող մի շարք հարցերի ուսումնասիրության և շինարարությանն ու արդյունաբերությանը պրակտիկ օգնություն ցույց տալու գործում:

Ռեսպուբլիկայի քիմիական արդյունաբերության համար կադրեր պատրաստելու և արդյունաբերությանը կոնկրետ գործնական օգնություն ցույց տալու ուղղությամբ զգալի գործ են կատարել ինստիտուտի ֆիզիկո-տեխնոլոգիական ֆակուլտետի ամբիոնները:

Ֆակուլտետի հնագույն ամբիոններից է օրգանական և ֆիզիկական քիմիայի ամբիոնը, որը ղեկավարում է տեխնիկական գիտությունների դոկտոր-պրոֆեսոր Էդոն Ղազարյանը: Նա դեռևս 1930 թ. ասիստենտի պաշտոնով աշխատանքի ներգրավվեց նորաստեղծ Պոլիտեխնիկական ինստիտուտում, իսկ արդեն մի քանի տարի հետո Հայաստանի կառավարության հանձնարարությամբ մի շարք ընկերների հետ միասին սկսեց զբաղվել կարբիդ կալցիումից սինթետիկ կաուչուկ ստանալու տեխնոլոգիական հարցերի ուսումնասիրությամբ: Այդ աշխատանքները պսակվեցին հաջողությամբ և զգալի դեր խաղացին արտադրության այդ նոր ճյուղի ստեղծման գործում:

Ֆակուլտետի ընդհանուր և անալիտիկ քիմիայի ամբիոնը դոկտոր-պրոֆեսոր Ազատ Ալշուջյանի ղեկավարությամբ մետաղների տեխնոլոգիայի և մետաղագործության ամբիոնի հետ միասին հետաքրքիր աշխատանք է կատարում երկաթահանքների հարստացման և ուղղակի վերականգնման միջոցով երկաթի ստացման պրոբլեմների ուսումնասիրության ուղղությամբ: Այդ աշխատանքների մի մասը հիմնականում ավարտված է: Այդ ուսումնասիրությունները հնարավորություն կտան ավելի ամբողջական և լրիվ օգտագործել մեր ռեսպուբլիկայի բնական հարստությունները: Վերջերս Հայպետհրատի կողմից լույս է բնծայվել նույն ամբիոնի դոցենտ Համազասպ Հովհաննիսյանի մենագրությունը «Նոր սոպոլիմենների սինթեզում» վերնագրով, որը նվիրված է նավթանյութերից նոր տեսակի սինթետիկ նյութերի արտադրության տեխնոլոգիայի հարցերին:

Սիլիկատների տեխնոլոգիայի ամբիոնի աշխատողները, դոցենտ Խորեն Գևորգյանի ղեկավարությամբ, արդեն մի քանի տարի է հաջողությամբ աշխատում են Սևանի հյուսիս-արևելյան ափին գտնվող մագնեզիալ-սիլիկատային նյութերի օգտագործման տեխնոլոգիական պրոցեսների մշակման ուղղությամբ: Նրանց ուսումնասիրություններից, լաբորատոր և կիսագործարանային փորձարկումներից պարզվել է, որ այդ արժեքավոր հումքը կարելի է օգտագործել բարձրորակ հրակայուն աղյուսներ, էլեկտրամեկուսիչներ և շինարարական սալիկներ ստանալու համար: Այդ ուսումնասիրությունների հիման վրա Հայաստանի կառավարության որոշմամբ այժմ կառուցվում է փորձնական գործարան, որտեղ կկատարվի հումքի կոմպլեքս ուսումնասիրությունը, իսկ շուտով կկառուցվի նաև մեծ կոմբինատ: Նույն ամբիոնի դոցենտ Հայրիկ Դրիգորյանը կարևոր աշխատանք է կատարում ռեսպուբլիկայում գունավոր մետալուրգիայի զարգացման հետ կապված հարցերի ուսումնասիրության համար:

Արտադրությանը պրակտիկ օգնություն ցույց տալու ուղղությամբ երկար տարիներ զգալի աշխատանք է տարվում ֆակուլտետի հիմնական օրգանական սինթեզի ամբիոնում՝ դոցենտ Համբարձում Սայադյանի ղեկավարությամբ: Վերջին տարիներին դոցենտ Սայադյանը, ամբիոնի դոցենտ Հակոբ Հակոբյանի հետ միասին, աշխատանքներ ծավալեցին Երևանի Պոլիվինիլացետատ գործարանի կենտրոնական լաբորատորիայում: Գործարանում ներդրվեց ամբիոնի կատարած փորձերից մեկը՝ մաքուր, անջատված քաղախաթթվական նատրիումի ստացումը նախկինում չօգտագործվող թափթրվուկ հանդիսացող նյութերից: Միանգամայն դրական արդյունքներ ստացվեցին քաղախաթթվի մաքրումը մրջնաթթվից թեմայի շուրջը: Այդ ներդրումների շնորհիվ գործարանը տարեկան մի քանի միլիոն ռուբլու լրացուցիչ եկամուտ է ստանում:

Ամբիոնը կատարում է նաև այլ ուսումնասիրություններ:

Ինստիտուտի էլեկտրատեխնիկական ֆակուլտետի ամբիոնները, չնայած իրենց կարճ պատմությանը, մեծ և շնորհակալ աշխատանք են կատարել և՛ ռեսպուբլիկայի նոր զարգացող արդյունաբերության ճյուղերի համար մասնագետներ պատրաստելու և՛ արդյունաբերությանը պրակտիկ օգնություն ցույց տալու ուղղությամբ: Բացի մի քանի ընկերներից, ամբիոնների հիմնական կազմը ինստիտուտի նախկին շրջանավարտներն են, որոնք ավարտելով ինստիտուտը և միության առաջավոր բարձրագույն ուսումնական հաստատությունների ասպիրանտուրան,

այժմ ինստիտուտում մանկավարժական և գիտական աշխատանք են կատարում:

Ֆակուլտետի տեսական և ընդհանուր էլեկտրատեխնիկայի ամբիոնը ղեկավարում է տեխնիկական գիտությունների գոլտոր-պրոֆեսոր Հրանտ Աղոնցը, որը միաժամանակ Հայկ. ՍՍՌ Գիտությունների ակադեմիայի էլեկտրատեխնիկայի ինստիտուտի դիրեկտորն է: Ամբիոնի անդամները ղրաղված են մի շարք կարևոր տեսական և պրակտիկ հարցերի ուսումնասիրությամբ: Արդյունաբերական ձեռնարկությունների էլեկտրիֆիկացիայի ամբիոնը, (ամբիոնի վարիչ ղոցենտ էմիլ Դիլանյան) ասպահովում է արդյունաբերական ձեռնարկությունների էլեկտրիֆիկացիա և էլեկտրական մեքենաներ և ասպարատներ մասնագիտությունների գծով ինժեներների պատրաստումը: Միաժամանակ ամբիոնի անդամների մեծ մասը ակտիվ մասնակցություն է ցուցաբերում ռեսպուբլիկայի էլեկտրամեքենաշինական արդյունաբերության զարգացման հարցերին:

Ֆակուլտետի էլեկտրական կայաններ, ցանցեր, սիստեմներ և բարձր լարվածության տեխնիկա ամբիոնը ասպահովում է նույն անունը կրող մասնագիտության պատրաստումը: Միաժամանակ ամբիոնի անդամները աշխատանքներ են տանում ռեսպուբլիկայի էներգետիկ տնտեսության հարցերի ուսումնասիրության ուղղությամբ: Արդեն մոտ 20 տարի ամբիոնը ղեկավարում է տեխնիկական գիտությունների թեկնածու, ղոցենտ Վիկտոր Պետրոսյանը, որը մի շարք տարիներ եղել է նաև Երգէսի դիրեկտորը: 1956 թ. լույս տեսավ նրա «Բարձր լարվածության տեխնիկա» ծավալուն աշխատությունը, որը ուսումնական լուրջ ձեռնարկ է բարձրագույն ուսումնական հաստատությունների ուսանողների և արդյունաբերության ու էներգետիկ սիստեմում աշխատող մասնագետների համար:

Միայն մեկ տարվա պատմություն ունի ֆակուլտետի ավտոմատիկայի և մաթեմատիկական մեքենաների ամբիոնը, որը ղեկավարում է երիտասարդ շնորհալի ղոցենտ Գևորգի Արեշյանը: Ամբիոնը կարճ ժամանակամիջոցում ստեղծեց իր հարուստ լաբորատոր բազան և արդեն միանգամայն ի վիճակի է նորագույն մասնագիտությունների գծով ինժեներներ պատրաստելու:

Ինստիտուտի մեխանիկական ֆակուլտետում գործում է 3 ամբիոն: Ֆակուլտետի հիմնական մասնագիտական ամբիոնն է մեքենաշինության տեխնոլոգիա, մետաղահատ հաստոցներ և գործիքներ ամբիոնը: Իր հիմնադրման օրից՝ 1946 թվականից ամբիոնը ղեկավարում է Հայկ. ՍՍՌ Գիտությունների ակադեմիայի իսկական

անդամ, տեխնիկական գիտությունների գոլտոր-պրոֆեսոր Մարտին Կասյանը, որի գրչին են սլատկանում կտրման տեսության վերաբերյալ մի շարք աշխատություններ: Մ. Կասյանը ոչ միայն մեր ռեսպուբլիկայում, այլև նրա սահմաններից դուրս հայտնի է որպես բարձրորակ մասնագետ և մանկավարժ: Նրա գիտական ղեկավարությամբ մոտ 3 տասնյակ երիտասարդներ պատրաստել ու պաշտպանել են թեկնածուական դիսերտացիաներ և այժմ տանում են գիտական ու մանկավարժական աշխատանք: Պրոֆեսոր Կասյանը վերջին երեք տարիների ընթացքում միաժամանակ ղեկավարում է ռեսպուբլիկայի Մինիստրների Սովետին կից Գիտա-տեխնիկական խորհուրդը:

Ամբիոնի մի խումբ ընկերներ, ղոցենտ Վահան Հակոբյանի ղեկավարությամբ, Հայաստանի Ժողտնտխորհի հանձնարարությամբ կատարում են ռեսպուբլիկայի էլեկտրամեքենաշինական արդյունաբերության համար խիստ կարևորություն ներկայացնող ուսումնասիրություն՝ նվիրված կարծր համաձուլվածքներից դրոշմոցների պատրաստմանը: Գնահատելին այն է, որ այդ թեմայի իրագործմանը ակտիվ կերպով մասնակցում են նաև ուսումնա-օժանդակ կազմը և ուսանողները:

Գիտա-մանկավարժական գնահատելի աշխատանք են կատարում նաև ֆակուլտետի մյուս երկու ամբիոնները՝ մեխանիզմների տեսության և մեքենաների մասեր ամբիոնը (վարիչ ղոցենտ Ռուբեն Ախշարումով) և մետաղագործության և մետաղների տեխնոլոգիայի ամբիոնը (վարիչ՝ Տաճատ Ավանեսյան):

Բացի ֆակուլտետներում եղած ամբիոններից, գործում են նաև ընդհանուր ինստիտուտային մի շարք ամբիոններ:

Ուսանողության կոմունիստական դաստիարակության կարևոր խնդրի հետևից գիտահետազոտական աշխատանքով են զբաղվում ինստիտուտի ՍՄԿՊ պատմության և քաղաքատնտեսության ամբիոնների աշխատողները: Նրանց մի շարք հետազոտությունները նվիրված են Սևդրկովկասի և Հայաստանի բանվորական ռեվոլյուցիոն շարժումների պարզաբանման և մասնավորապես այդ շարժման մեջ Կոմունիստական պարտիայի և Սովետական պետության ականավոր գործիչ Ստեփան Շահումյանի կատարած դերի լուսաբանման հարցերին: Երկու տարի առաջ ամբիոնի աշխատակիցները հրատարակեցին գիտական աշխատությունների առանձին ժողովածու, շուտով լույս կտեսնի երկրորդը: Առանձին գրքով լույս է տեսել ՍՄԿՊ պատմության ամբիոնի վարիչ, ղոցենտ Գ. Մանյանի «Բոլշևիկյան կազմակերպությունները Հայաստանում 1905—1907 թվականներին» աշխա-

տությունը, ինչպես նաև դոցենտներ Ա. Ասրրյանի և Ս. Հարությունյանի աշխատությունները:

Երիտասարդ մասնագետների պատրաստմամբ և գիտական հետազոտություններով է զբաղվում արդյունաբերության էկոնոմիկայի կազմակերպման և պլանավորման մեթոդներ: Ամբիոնի վարիչ, տեխնիկական գիտությունների դոկտոր-պրոֆեսոր Երեմ Սաֆարովը զբաղվում է հիդրոէկոտրակայանների էկոնոմիկ պարամետրերի ընտրման հարցով, որին նվիրված են նրա մի շարք աշխատություններ: Պրոֆեսոր Սաֆարովը ինստիտուտի բուսանոցներին ու մասնագետներին օգնելու նպատակով գրել է «Հիդրոէկոտրակայանները» գիրքը: Ինժեներական հիդրոլոգիայի հարցերին են նվիրված դոկտոր-պրոֆեսոր Վելիխան Վալեսյանի աշխատանքները: Ուշագրավ է նրա աշխատությունը՝ նվիրված լեռնային գետերի հոսքի ուսումնասիրությանը, որը լույս է ընծայվել 1955 թվականին ՍՍՌԳ Գիտությունների ակադեմիայի կողմից: Պրոֆեսոր Վալեսյանը կազմել է նաև Հայկական ՍՍՌ գետերի հիդրոլոգիական մի շարք քարտեզներ, հատուկ ուսումնասիրություններ ունի Սևանա լճի ջրային բալանսի մասին:

Ուսումնական և դիտա-հետազոտական աշխատանքում կարևոր տեղ են գրավում նյութերի դիմադրության և տեսական մեխանիկայի մեթոդները: 20 տարուց ավելի նյութերի դիմադրության մեթոդների աշխատանքները զխավորում է Հայկական ՍՍՌ Գիտությունների ակադեմիայի թղթակից անդամ, դոկտոր-պրոֆեսոր Օգսեն Սապոնջյանը: 1939 թվականից տեսական մեխանիկայի մեթոդներ է ղեկավարում դոկտոր-պրոֆեսոր Թորգոմ Խաչատրյանը: Նրանք երկուսն էլ շինարարական մեխանիկայի գծով խոշորագույն մասնագետներ են, որոնց կառուարած աշխատանքները բարձր գնահատականի են արժանացել ամբողջ միության մեջ: Նրանք շնորհակալ աշխատանք են կատարել նաև ասպիրանտուրայի միջոցով երիտասարդ մասնագետներ պատրաստելու ուղղությամբ:

Ինստիտուտի գեոդեզիայի մեթոդներ հիմնադրման օրից ղեկավարում է գիտության ու տեխնիկայի վաստակավոր գործիչ, պրոֆեսոր Լևոն Մանուշարյանը, որը ռեսպուբլիկայի ամենահին տեխնիկական մասնագետներից է: Արդեն 1922 թվականից նա Երևանի Պետական համալսարանի գեոդեզիայի մեթոդների վարիչն էր, իսկ 1930 թվականից իր մեթոդների և լաբորատորիայի հետ աշխատանքի է փոխադրվում նոր բացված Երևանի Պոլիտեխնիկական ինստիտուտը: Պրոֆեսոր Մանուշարյանը մայրենի լեզվով առաջին գեոդեզիայի դասագրքի հեղինակն է: Դասագիրքն ունեցել է մի շարք հրատարակություններ:

Երիտասարդ մասնագետների պատրաստման ուղղությամբ շնորհակալ աշխատանք են կատարում նաև ֆիզիկայի, գծագրական երկրաչափության և գրաֆիկայի, բարձրագույն մաթեմատիկայի մեթոդները: Պետք է նշել հատկապես բարձրագույն մաթեմատիկայի մեթոդների վարիչ, դոցենտ Վրույր Թորգոմյանի երկարամյա և բազմաթիվ մանկավարժական գործունեությունը, որը 1932 թվականից սկսած զխավորում է մեթոդների աշխատանքները:

Ինստիտուտի մեթոդների կողմից տարվող գիտա-հետազոտական և մեթոդական աշխատանքները ամփոփվում են ինստիտուտի գիտական աշխատությունների ժողովածուներում: առանձին մենագրությունների և գիտա-հանրամատչելի բրոշյուրների մեջ, որոնք նույնպես լույս օգնություն են հանդիսանում արդյունաբերության աշխատողների համար: Այդ աշխատանքների արդյունքները ամփոփվում են և դնահատվում նաև ինստիտուտի գիտական սեսիաններում, ինչպես նաև Անդրկովկասի եղբայրական ռեսպուբլիկաների տեխնիկական բուհերի ամենամյա գիտական սեսիաններում:

Անդամ տարիների ընթացքում գիտա-մանկավարժական կադրերի պատրաստման ուղղությամբ զգալի գործ է կատարել ինստիտուտի ասպիրանտուրան: Մոտ 25 տարվա ընթացքում ասպիրանտուրան ավարտել են 82 հոգի: Ինստիտուտի ընդարձակման հետ միասին մեծ չափերով ընդլայնվում է նաև ինստիտուտի ասպիրանտուրան, որտեղ կադրեր կպատրաստվեն հատկապես նորագույն մասնագիտությունների գծով: Բավական է ասել, որ այս տարի ինստիտուտի ասպիրանտուրան կընդունվեն 39 հոգի:

Այս ամենով հանդերձ, պետք է ասել, որ հատկապես գիտա-հետազոտական աշխատանքների և արտադրության օգնություն ցուցաբերելու գործում ինստիտուտը դեռևս լրիվ կերպով չի օգտագործում իր հնարավորությունները: Թերություններ կան հատկապես գիտա-հետազոտական աշխատանքների ճիշտ պլանավորման, կազմակերպման և կոորդինացման ուղղությամբ: Դեռևս ոչ բոլոր դեպքերում է այդ աշխատանքների համար ապահովվում անհրաժեշտ քաղա և նյութատեխնիկական մատակարարում:

Այս տեսակետից լայն հնարավորություններ կրացվեն ինստիտուտում գիտա-հետազոտական սեկտորի ստեղծումով, որտեղ կաշխատեն հարյուրից ավելի գիտական աշխատողներ: Սեկտորի համար կառուցվում է առանձին շենք, ուր կտեղավորվեն ժամանակակից սարքավորումով հագնցած մի շարք լաբորատորիաներ: Այս հնարավորություններից լայնորեն կօգտվեն նաև ուսանողները, արմատապես

կրարելավվեն ուսանողական դիտական ընկերության աշխատանքները:

Երևանի Պոլիտեխնիկական ինստիտուտի անցած վերընթաց ուղին Սովետական Հայաստանի

կյանքի զարգացման արտահայտությունն է, Կոմունիստական պարտիայի լենինյան ազգային քաղաքականության իրականացման օրինակը:

Լ. ԳԵՎՈՐԳՅԱՆ

ԱՐԵՎԵԼԱԳԵՏՆԵՐԻ ՀԱՄԱՇԽԱՐՀԱՅԻՆ XXV ԿՈՆԳՐԵՍՈՒ

1960 թ. սեպտեմբերի 9—16-ին Մոսկվայում գումարվեց արևելագետների համաշխարհային XXV կոնգրեսը, որին մասնակցում էին ավելի քան 1500 պատգամավորներ՝ 60 տարբեր երկրներից: Ի տարբերություն նախորդ կոնգրեսների, ներկա կոնգրեսում մոտ 1000 արտասահմանյան պատգամավորների 25 տոկոսը կազմում էին Ասիայի ու Աֆրիկայի երկրների ներկայացուցիչները:

Սեպտեմբերի 9-ին Մոսկվայի Պետական համալսարանի նիստերի դահլիճում տեղի ունեցավ կոնգրեսի հանգիսավոր բացումը: Տրագիցիայի համաձայն, առաջին ձայնը տրվեց նախորդ՝ Մյունխենում կայացած արևելագետների XXIV կոնգրեսի պրեզիդենտ, պրոֆեսոր է. Վալդշմիտին, որը ողջունեց կոնգրեսի մասնակիցներին և իր լիազորությունները հանձնեց XXV կոնգրեսի պրեզիդենտ, ՍՄԽ Գիտությունների ակադեմիայի թղթակից անդամ Բ. Գաֆուրովին:

ՍՄԽ կառավարության կողմից կոնգրեսը ողջունեց ՍՄԽ Մինիստրների Սովետի նախագահի առաջին տեղակալ Ա. Բ. Միկոյանը: Քննական է,— նշեց իր ճառում Ա. Բ. Միկոյանը,— որ Ասիայի և Աֆրիկայի երկրների ժողովուրդների կյանքում սեռայնությունը շրջադարձը արժատապես փոխում է արևելագիտության բնույթն ու բովանդակությունը: Կարելի է ուղղակի ասել, որ նրա նոր, սկզբունքային առանձնահատկությունն այն է, որ Արևելքի ժողովուրդներն այժմ ավելի, քան երբեք, իրենք են ստեղծում իրենց գիտությունը, որն ուսումնասիրում է նրանց պատմությունը, կուլտուրան, էկոնոմիկան, և այդպիսով գիտության օբյեկտից, որպիսին Արևելքի ժողովուրդները հանդիսանում էին մոտ անցյալում, դարձել են գիտության կերտողներ: Ստեղծվել են արևելագիտության նոր կենտրոններ հենց Արևելքի երկրներում: Այդ երկրների գիտնականները ուսումնասիրում են ոչ միայն իրենց ժողովուրդների անցյալը, այլև ակտիվորեն մասնակցում են նրանց կյանքում պատմական շրջադարձի շնորհիվ առաջացած պրոբլեմների մշակմանը: ...Լիակատար իրավունքով կարելի է ասել, որ արևելագիտությունը միայն այն ժամանակ կարող է լայն ճանաչում ու հաջողություն ակնկալել, երբ նա ծառայում է Արևելքի ժողովուրդների շահերին:.. Մենք հու-

սով ենք, որ գիտական համագործակցության, կարևորագույն պրոբլեմների շուրջը կարծիքների ազատ փոխանակման և ստեղծագործական գիտականների ոգին, պրոբլեմներ, որոնք արևելագետներին տիրապետաբար առաջադրում է ինքը կյանքը, դրանց բովանդակ բարդությամբ ու սրությամբ, կնպաստի ներկա կոնգրեսի բեղմնավոր աշխատանքին ու դրական արդյունքներին:»

Այնուհետև ողջույնի խոսքով հանդես է գալիս Մոսկվայի քաղաքային Սովետի գործկոմի նախագահ Ն. Բ. Բորովնիկովը:

ՍՄԽ Գիտությունների ակադեմիայի անունից կոնգրեսը ողջունեց վիցե-պրեզիդենտ, ակադեմիկոս Կ. Վ. Սաբուդիայանովը: Նա նշեց, որ Սովետական Արևելքի ժողովուրդները աճեցրել են գիտական աշխատողների ազգային կադրեր, որոնք ունեն գիտնականների համագործակցությամբ ուսումնասիրում են իրենց ժողովուրդների պատմությունը, նյութական և հոգևոր կուլտուրան:

ՄԱԿ-ի գլխավոր քարտուղարի անունից կոնգրեսին ողջված ողջույնով հանդես եկավ Ա. Կուսաք, որը նշեց միջազգային համագործակցության կարևորությունը առաջադիմության համար, խաղաղության համար: Այնուհետև լրսվեց կոնգրեսի պրեզիդենտ Բ. Գաֆուրովի ելույթը: Նա ասաց, որ գեո վերջերս արևելագիտությունը արդիականությունից հեռու կանգնած և հաճախ ակադեմիական գիտություն էր թվում: Այժմ մենք՝ արևելագետներս, գտնվում ենք ժամանակակից իրադարձությունների կենտրոնում: Այդ է ներկա կոնգրեսի բնորոշ առանձնահատկություններից մեկը: Նրա մյուս առանձնահատկությունն այն է, որ գեո երբեք միջազգային ֆորում դուրս չէին եկել բուն Արևելքի երկրների այնքան ներկայացուցիչներ, որքան նրանք հավաքվել են այս դահլիճում:

Սեպտեմբերի 10-ին սկսվեցին կոնգրեսի սեկցիան նիստերը, որոնք տեղի էին ունենում Մոսկվայի համալսարանի տարբեր սրահներում: Կոնգրեսի աշխատանքները ընթանում էին բառ արևելագիտության մասնաճյուղերի կազմակերպված 21 սեկցիաներում: Նդիպատագիտության, ինքնագիտության և ուրարտագիտության, ասուրագիտության և սեմագիտության